

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренцијски савјет

Zaključak

po Prijavi koncentracije privrednog subjekta FMO, Kraljevina Holandija i privrednog subjekta KfW, Savezna Republika Njemačka

Sarajevo
februar, 2016. godine



Broj: 05-26-1-004-5-II/16
Sarajevo, 16. februara 2016. godine

Konkurencijsko vijeće Bosne i Hercegovine, na osnovu člana 25. stav (1) tačka e), člana 42. stav (2), a u vezi sa čl. 12. i 14. Zakona o konkurenciji („Službeni glasnik BiH“, br. 48/05, 76/07 i 80/09), rješavajući po zajedničkoj Prijavi koncentracije privrednog subjekta Mederlandse Financierings – Maatschappij Voor Ontwikkelingslanden N.V., društvo s ograničenom odgovornosti, Anna van Saksenlaan 71, P.O. 2593 HW, Hag, Kraljevina Holandija, i privrednog subjekta Kreditanstalt für Wiederaufbau (KfW) javna ustanova, Palmengartenstr. 5-9, 60325 Frankfurt am Main, Savezna Republika Njemačka, zaprimljenoj dana 16. januara 2016. godine pod brojem: 05-26-1-004-II/16, na 120. (stotinudvadesetoj) sjednici održanoj dana 16. februara 2016. godine, donijelo je

ZAKLJUČAK

1. Odbacuje se zajednička Prijava koncentracija privrednog subjekta Mederlandse Financierings – Maatschappij Voor Ontwikkelingslanden N.V., društvo s ograničenom odgovornosti, Anna van Saksenlaan 71, P.O. 2593 HW, Hag, Kraljevina Holandija, i privrednog subjekta Kreditanstalt für Wiederaufbau (KfW) javna ustanova, Palmengartenstr. 5-9, 60325 Frankfurt am Main, Savezna Republika Njemačka, radi nepostojanja obaveze prijave u smislu odredbi Zakona o konkurenciji.
2. Ovaj Zaključak je konačan i bit će objavljen u „Službenom glasniku BiH“, službenim glasilima entiteta i Brčko distrikta Bosne i Hercegovine.

Obrazloženje

Konkurencijsko vijeće Bosne i Hercegovine (u daljem tekstu: Konkurencijsko vijeće) je zaprimilo, dana 14. januara 2016. godine pod brojem: 05-26-1-004-II/16, zajedničku Prijavu koncentracije (u daljem tekstu: Prijava) privrednog subjekta Mederlandse Financierings – Maatschappij Voor Ontwikkelingslanden N.V., društvo s ograničenom odgovornosti, Anna van Saksenlaan 71, P.O. 2593 HW, Hag, Kraljevina Holandija (u daljnjem tekstu: FMO ili Podnosilac prijave), i privrednog subjekta Kreditanstalt für Wiederaufbau (KfW) javna ustanova, Palmengartenstr. 5-9, 60325 Frankfurt am Main, Savezna Republika Njemačka (u daljnjem tekstu: KfW ili Podnosilac prijave), podnesenu putem Zajedničke advokatske kancelarije Bojana Tkalčić - Đulić, Olodar Prebanić, Adela Rizvić i Arela Jusufbašić - Goloman, Branilaca Sarajeva 20/II, 71000 Sarajevo) (punomoć izdana dana 30. decembra 2015. godine). Privredni subjekt Mikrokreditno društvo „MIKROFIN“ d.o.o. Banja Luka, Vase Pelagića 22, 78000 Banja Luka (u daljem tekstu: Mikrofin) namjerava prodati (..)**1% dioničkog kapitala privrednom subjektu FMO i (..)**0% dioničkog kapitala privrednom subjektu KfW u povezanom privrednom subjektu MF banka Akcionarsko društvo Banja Luka, Vase Pelagića 22, 78000 Banja Luka (u daljem tekstu: MF banka).

Uvidom u podnesenu Prijavu Konkurencijsko vijeće je utvrdilo da ista nije kompletna u smislu člana 30. Zakona o konkurenciji i čl. 9. i 11. Odluke o načinu podnošenja prijave i kriterijima za ocjenu koncentracije privrednih subjekata, te je zatražilo dopunu iste, u skladu

¹ (..)** - podaci predstavljaju poslovnu tajnu u smislu člana 39. Zakona o konkurenciji

sa članom 31. stav (1) Zakona o konkurenciji, dana 26. januara 2015. godine aktom broj: 05-26-1-004-1-II/16.

Podnosilac prijave je dostavio tražene podatke i dokumentaciju, dana 2. februara 2016. godine podneskom zaprimljenim pod brojem: 05-26-1-004-2-II/16.

Nakon kompletiranja Prijave Konkurencijsko vijeće je izdalo Potvrdu o kompletnoj i urednoj Prijavi, u smislu člana 30. stav (3) Zakona o konkurenciji, dana 8. februara 2016. godine aktom broj: 05-26-1-004-3-II/16.

Konkurencijsko vijeće u postupku ocjene predmetne koncentracije je utvrdilo sljedeće činjenice:

Prijava je podnesena pravovremeno, u smislu člana 16. stav (1) Zakona o konkurenciji.

1. Učesnici koncentracije

Učesnici koncentracije su privredni subjekt Mederlandse Financierings – Maatschappij Voor Ontwikkelingslanden N.V., društvo s ograničenom odgovornošću, Anna van Saksenlaan 71, P.O. 2593 HW, Hag, Kraljevina Holandija (kupac) i privredni subjekt Kreditanstalt für Wiederaufbau (KfW) javna ustanova, Palmengartenstr. 5-9, 60325 Frankfurt am Main, Savezna Republika Njemačka (kupac), privredni subjekt Mikrokreditno društvo "MIKROFIN" d.o.o. Banja Luka, Vase Pelagića 22, 78000 Banja Luka (prodavalac), i privredni subjekt MF banka Akcionarsko društvo Banja Luka, Vase Pelagića 22, 78000 Banja Luka (predmet koncentracije).

1.1. Privredni subjekt FMO

Privredni subjekt Mederlandse Financierings – Maatschappij voor Ontwikkelingslanden N.V., društvo s ograničenom odgovornošću, Anna van Saksenlaan 71, P.O. 2593 HW, Hag, Kraljevina Holandija, je registrovan u Privrednoj komori Kraljevine Holandije pod brojem: 27078545 (broj privrednog subjekta: 00007457464).

Osnovne registrovane djelatnosti privrednog subjekta FMO su ulaganje u finansijske institucije, energetski sektor i poljoprivredu, kao i u infrastrukturne projekte, proizvodnju i uslužni sektor.

1.2. Privredni subjekt KfW

Privredni subjekt Kreditanstalt für Wiederaufbau (KfW) javna ustanova, Palmengartenstr. 5-9, 60325 Frankfurt am Main, Savezna Republika Njemačka, osnovan u skladu sa Zakonom o KfW (Gesetz über die Kreditanstalt für Wiederaufbau) dana 5. decembra 1948. godine (kao javna institucija nije upisana u registar privrednih subjekata), sa 80,0% vlasničkih udjela Savezne Republike Njemačke i 20,0% vlasničkih udjela Savezne pokrajine.

Pretežne poslovne djelatnosti su finansiranje i ulaganje u finansijske institucije.

1.3. Privredni subjekt Mikrofin

Privredni subjekt Mikrokreditno društvo "MIKROFIN" d.o.o. Banja Luka, Vase Pelagića 22, 78000 Banja Luka, je registrovan u Okružnom privrednom sudu u Banja Luci pod brojem: 3-12-00 (JIB: 4400884230007), sa upisanim osnovnim kapitalom od (..)**KM, sa (..)**% vlasničkih udjela Udruženja građana „MIKROFIN“, Save Kovačevića 23, 78000 Banja Luka (MBS: 1914472).

Osnovne registrovane djelatnosti privrednog subjekta Mikrofilm su ostala odobravanja kredita (šifra djelatnost 64.92).

1.4. Privredni subjekt MF banka

Privredni subjekt MF banka Akcionarsko društvo Banja Luka, Vase Pelagića 22, 78000 Banja Luka, je registrovan u Okružnom privrednom sudu u Banja Luci, pod brojem: 3-37-00 (JIB: 4402660380006), sa upisanim osnovnim kapitalom od (..)**KM, i sa (..)**vlasničkih udjela privrednog subjekta Mikrokreditno društvo MIKROFIN d.o.o. Banja Luka, Vase Pelagića 22, 78000 Banja Luka, i (..)**% vlasničkih udjela privrednog subjekta Otvoreni investicioni fond sa javnom ponudom „MIKROFIN PLUS“ kojim upravlja Društvo za upravljanje investicionim fondovima „MIKROFIN INVEST“ d.o.o. Banja Luka, Gajeva 8, 78000 Banja Luka (matični broj: 1-16994-00).

Osnovne registrovane djelatnosti privrednog subjekta MF banka su obavljanje platnog prometa, depozitnih poslova i davanje kredita u zemlji i inostranstvu (bankarski poslovi).

2. Obaveza prijave koncentracije

Obaveza prijave koncentracije privrednih subjekata nastaje, u smislu člana 14. stav (1) tačke a) i b) Zakona o konkurenciji, ako ukupni godišnji prihodi učesnika koncentracije ostvareni prodajom roba i/ili usluga na svjetskom tržištu iznose 100.000.000,00 KM, po završnom računu u godini koja je prethodila predmetnoj koncentraciji, i da ukupan prihod svakog od najmanje dva privredna subjekata učesnika koncentracije ostvaren prodajom roba i/ili usluga na tržištu Bosne i Hercegovine iznosi najmanje 8.000.000,00 KM, ili ako je zajednički tržišni udjel učesnika koncentracije na relevantnom tržištu veći od 40,00%.

Ukupni godišnji prihodi učesnika koncentracije (i njihovih povezanih privrednih subjekata), na dan 31. decembra 2014. godine:

Tabela 1.

KM	FMO	KfW	MF Banka	Mikrofin
Svijet	(..)**	(..)**	-	-
Bosna i Hercegovina	(..)**	(..)**	(..)**	(..)**

Izvor: podaci iz Prijave

Godišnji prihodi učesnika koncentracije predstavljaju ukupne prihode (bez poreza na dodatnu vrijednost i drugih poreza koji se direktno odnose na učesnike koncentracije na tržištu Bosne i Hercegovine), u smislu člana 9. tačka h) Odluke o načinu podnošenja prijave i kriterijima za ocjenu koncentracija privrednih subjekata.

Prema navedenim podacima (Tabela 1.) učesnici koncentracije ispunjavaju uslov ukupnog godišnjeg prihoda na svjetskom tržištu, iz člana 14. stav (1) tačka a) Zakona o konkurenciji, ali ne ispunjavaju uslov ukupnog prihoda u Bosni i Hercegovini, iz člana 14. stav (1) tačka b) Zakona (jer privredni subjekt FMO i privredni subjekt KfW nemaju prihode ostvarene u Bosni i Hercegovini), niti drugi uslov iz člana 14. stav (1) tačka b) Zakona o konkurenciji jer nemaju preko 40,00% udjela na relevantnom tržištu (podaci iz Tabela 2.), te na osnovu navedenih podataka učesnici koncentracije nisu bili obavezni prijaviti koncentraciju.

3. Pravni osnov i pravni oblik koncentracije

Pravni osnov koncentracije, u smislu člana 30. stav (1) tačka a) Zakona o konkurenciji i člana 9. tačka f) alineja 4. Odluke o načinu podnošenja prijave i kriterijima za ocjenu koncentracija privrednih subjekata, predstavlja Ugovor o kupoprodaji dionica (u daljem tekstu: Ugovor), zaključen, dana 30. decembra 2015. godine, između ovlaštenih zastupnika učesnika koncentracije.

U skladu sa odredbama predmetnog Ugovora, privredni subjekt Mikrofin (kao prodavalac) prodaje privrednom subjektu FMO ukupno (..) **dionica (nominalne vrijednosti (..) **KM), odnosno (..) **% od ukupnog dioničarskog kapitala privrednog subjekta MF banka (predmet koncentracije), i prodaje privrednom subjektu KfW ukupno (..) **dionica (nominalne vrijednosti (..) **KM), odnosno (..) **% od ukupnog dioničarskog kapitala privrednog subjekta MF banka (predmet koncentracije).

Privredni subjekt KfW i privredni subjekt FMO zaključenim Ugovora ne stiču većinski udjel u ukupnom kapitalu privrednog subjekta MF banka niti kontrolu nad istim, ali privredni subjekt FMO i privredni subjekt KfW kao manjinski dioničari imaju dodatna prava koja im omogućavaju vršenje uticaja na donošenje odluka koje su bitne za strateško upravljanje privrednim subjektom MF banka, te na taj način ostvaruju kontrolu nad istim, a prema definiciji datoj u Obavještenja Evropske komisije o pojmu koncentracije prema Uredbi Vijeća broj: 139/2004 o kontroli koncentracija među preduzetnicima.

Učesnici koncentracije su dogovorili da skupština privrednog subjekta MF banka zahtjeva (..) **kod:

- izmjena i dopuna statuta, raspodjela ovlaštenja između tijela, prestanak rada, izmjena djelatnosti, povećanje i smanjenje osnovnog kapitala, promjena broja članova nadzornog odbora i emisija novih dionica itd.

Također, učesnici koncentracije su dogovorili da skupština privrednog subjekta MF banka zahtjeva kvorum od najmanje dva dioničara sa (..) **% udjelu u osnovnom kapitalu istog i većinu od (..) **% zastupljenih dionica sa pravom glasa kod:

- transakcija sa povezanim osobama u vrijednosti većoj od (..) **% osnovnog kapitala u vrijeme odlučivanja, davanje kredita većinskom dioničaru u visini većoj od (..) **KM, odobravanje isplate dividende, itd.

Na osnovu navedenog, pravni oblik koncentracije smatra se sticanje kontrole više privrednih subjekata nad drugim privrednim subjektom na drugi način u skladu sa odredbama kojima se reguliše upravljanje privrednih subjekata, u smislu člana 12. stav (1) tačka b) pod 2) i 3) Zakona o konkurenciji. Također, u skladu sa navedenim odredbama Ugovora Podnosilac prijave kroz mehanizam upravljanja i rukovođenja će vršiti kontrolu na privrednim subjektima MK banka, u smislu člana 2. stav (2) tačke c) i d) Zakona o konkurenciji.

4. Pravni okvir ocjene koncentracije

Konkurencijsko vijeće u postupku ocjene koncentracije je primijenilo odredbe Zakona o konkurenciji, Odluke o utvrđivanju relevantnog tržišta („Službeni glasnik BiH“, br. 18/06 i 34/10), te Odluke o načinu podnošenja prijave i kriterijima za ocjenu koncentracija privrednih subjekata („Službeni glasnik BiH“, broj 34/10).

Konkurencijsko vijeće, na osnovu člana 43. stav (7) Zakona o konkurenciju, je koristilo sudsku praksu Evropskog suda i odluke Evropske komisije, kao i kriterije i standarde iz Obavještenja Evropske komisije o izračunavanju ukupnog prihoda u skladu sa Uredbom Vijeća (EEZ) broj: 4064/89 o kontroli koncentracije privrednih subjekata, te odredbe Obavještenja Evropske komisije o pojmu koncentracije prema Uredbi Vijeća broj: 139/2004 o kontroli koncentracija među preduzetnicima (Službeni glasnik Evropske zajednice broj: C 95/1 od dana 6. aprila 2008. godine).

5. Relevantno tržište

Relevantno tržište koncentracije, u smislu člana 3. Zakona o konkurenciji, te čl. 4. i 5. Odluke o utvrđivanju relevantnog tržišta, čini tržište određenih proizvoda /usluga koje su predmet obavljanja djelatnosti na određenom geografskom tržištu.

Prema odredbi člana 4. Odluke o utvrđivanju relevantnog tržišta, relevantno tržište u proizvodnom smislu obuhvata sve proizvode i/ili usluge koje potrošači i/ili korisnici smatraju međusobno zamjenjivim, pod prihvatljivim uslovima, imajući u vidu posebno njihove bitne karakteristike, kvalitetu, uobičajenu namjenu, način upotrebe, uslove prodaje i cijene.

Nadalje, prema članu 5. Odluke o utvrđivanju relevantnog tržišta, relevantno tržište u geografskom smislu obuhvata cjelokupan ili dio teritorija Bosne i Hercegovine na kojem privredni subjekt djeluje u prodaji i/ili kupovini relevantnog proizvoda pod jednakim ili dovoljno ujednačenim uslovima i koji to tržište bitno razlikuje od uslova tržišne konkurencije na susjednim geografskim tržištima.

Relevantno tržište usluge predmetne konkurencije smatra se tržište obavljanje bankarskih poslova.

Također, relevantno geografsko tržište koncentracije smatra se tržište Bosne i Hercegovine.

Slijedom navedenog, relevantno tržište koncentracije je tržište obavljanje bankarskih poslova u Bosni i Hercegovini.

5.1. Analiza relevantnog tržišta

Prema podacima iz Prijave učesnici koncentracije i tržišni konkurenti na relevantnom tržištu (na osnovu ukupne aktive), u 2014. godini, imaju:

Tabela 2.

R.b.	Privredni subjekt	Tržišni udio%
1.	UniCredit banka d.d. Mostara	(..)**
2.	Raiffeisen bank d.d. Sarajevo	(..)**
3.	Nova banka a.d. Banja Luka	(..)**
4.	Intesa Sanpaolo Banka d.d. Sarajevo	(..)**
5.	Hypo Alpe Adria Bank d.d. Banja Luka	(..)**
6.	Hypo Alpe Adria Bank d.d. Mostar	(..)**
7.	MF banka	(..)**
8.	Ostali	(..)**
	Ukupno	100,00

Izvor: podaci iz Prijave; Agencije za bankarstvo RS /F BiH /Centralna banka Bosne i Hercegovine

Prema podacima (Tabela 2.) iz Prijave učesnici koncentracije na relevantnom tržištu u Bosni i Hercegovini imaju udio od (..)**%.

Na osnovu podataka Podnosioca prijave (i prikupljenih od Konkurencijskog vijeća) u bankarskom sektoru Bosne i Hercegovine:

- ukupan kapital /portfolio banaka iznosi (..)**KM, a prema plasiranju kredita međunarodnih finansijskih institucija u odnosu na ukupan portfolio banaka privredni subjekt KfW ima (..)**% udjela, a privredni subjekt FMO ima (..)**tržišnog udjela;
- ukupni krediti međunarodnih finansijskih institucija iznose (..)**KM, a privredni subjekt KfW je plasirao (..)**KM, i ima (..)**% udjela, a privredni subjekt FMO je plasirao (..)**KM, i ima (..)**% tržišnog udjela.

6. Administrativna taksa

Podnosilac prijave, u skladu sa članom 2. Tarifni broj 108. stav (1) tačka c) Odluke o visini administrativnih taksi u vezi sa procesnim radnjama pred Konkurencijskim vijećem („Službeni glasnik BiH“, br. 30/06 i 18/11), na ovaj Zaključak je dužan platiti administrativnu taksu u ukupnom iznosu od 1.000,00 KM u korist Budžeta institucija Bosne i Hercegovine.

7. Pouka o pravnom lijeku

Protiv ovog Zaključka nije dozvoljena žalba.

Nezadovoljna strana može pokrenuti upravni spor pred Sudom Bosne i Hercegovine u vremenskom roku od 30 dana od dana prijema, odnosno objavljivanja ovog Zaključka.

Predsjednica

mr. Arijana Regoda - Dražić